

Na osnovu Odluke Vlade Bosansko-podrinjskog kantona Goražde, broj:03-14-1364/19 od 25.09.2019.godine, o davanju saglasnosti na Program utroška sredstava Ministarstva za privredu Bosansko-podrinjskog kantona Goražde za podršku unapređenja usluga javnih preduzeća sa područja Bosansko-podrinjskog kantona Goražde za 2019.godinu, utvrđenog na ekonomskom kodu 614400 (HAP 001)–Subvencije javnim preduzećima, Ministarstva za privredu za 2019.godinu, Ministarstvo za privredu Bosansko-podrinjskog kantona Goražde **o b j a v l j u j e**:

## JAVNI POZIV

*za odabir korisnika sredstava po Programu utroška sredstava Ministarstva za privredu Bosansko-podrinjskog kantona Goražde za podršku unapređenja usluga javnih preduzeća sa područja Bosansko-podrinjskog kantona Goražde za 2019.godinu*

### I PREDMET NATJEČAJA

Predmet javnog poziva je prikupljanje zahtjeva-projekata Javnih preduzeća sa područja Općine Goražde za raspodjelu grant sredstava po Programu utroška sredstava Ministarstva za privredu Bosansko-podrinjskog kantona Goražde za podršku unapređenja usluga javnih preduzeća sa područja Bosansko-podrinjskog kantona Goražde za 2019.godinu, utvrđenih u budžetu Ministarstva za privredu Bosansko-podrinjskog kantona Goražde na ekonomskom kodu 614400 (HAP 001)- Subvencije javnim preduzećima.

### II CILJEVI I APLIKANTI

Aplikanti mogu podnijeti aplikacije za Projekte za ostvarivanje subvencija po ovom programu za dva specifična cilja:

-podrška za osiguranje kvalitetnih usluga javnih komunalnih preduzeća ili pružanje podrške za proširivanje obima usluga kroz nabavku prioritetne opreme.

-podrška u realizaciji projekta izrade i emitovanja emisija o stanju svih sektora koji su u domenu Ministarstva za privredu Bosansko-podrinjskog kantona Goražde, kroz nabavku neophodne opreme.

- Prvi poseban cilj je pružanje podrške za osiguranje kvalitetnih usluga javnih komunalnih preduzeća ili pružanje podrške za proširivanje obima usluga javnih komunalnih preduzeća, kroz nabavku prioritetne opreme za potrebe pružanja komunalnih usluga, kao i podrška u sanaciji opreme koja se koristi u procesu proizvodnje pitke vode. U okviru prvog specifičnog cilja obezbjedit će se podrška za projekte koji omogućavaju proširivanja obima usluga koje pružaju javna komunalna preduzeća kroz povećanje stepena dostupnosti usluga, odnosno kroz uvođenje novih usluga za korisnike na prostoru Bosansko-podrinjskog kantona.

- Drugi poseban cilj Programa je pružanje podrške J.P.RTV BPK Goražde u Projektu-Izrada i emitovanje emisija o stanju svih sektora koja su u domenu Ministarstva za privredu Bosansko-podrinjskog kantona Goražde. Za realizaciju pomenutog projekta moguće je izvršiti nabavku neophodne opreme. Ova emisija je od izuzetne važnosti za građane Bosansko-podrinjskog kantona Goražde kao dokument koji prikazuje pravo stanje na području Bosansko-podrinjskog kantona Goražde.

### III POTREBNA SREDSTVA

Potrebna sredstva za provođenje Programa iznosi **25.000 KM**.

Maksimalni iznos granta za finansiranje ili sufinansiranje projekata iz sredstava ovog programa su definisani u rasponu za svaki specifični cilj, kako je prikazano u tabeli.

r.br	Poseban cilj	Ukupan budžet po komponenti	Maksimalni iznos granta
1.	Pružanje podrške za osiguranje kvalitetnih usluga javnih komunalnih preduzeća, i pružanje podrške za proširivanje obima usluga kroz nabavku prioritetne opreme	15.000	do 15.000
2.	Podrška J.P.RTV BPK Goražde u Projektu –Izrada i emitovanje emisije o predstavljanju stanja sektora koja su u domenu Ministarstva za privredu Bosansko-podrinjskog kantona Goražde	10.000 KM	do 10.000 KM

#### **IV KRITERIJI ZA RASPODJELU SREDSTAVA**

##### **Opći uslovi za učesće u programu:**

- Da su registrovani kao javna preduzeće u skladu sa odredbama Zakona o Javnim preduzećima (Sl.novine FBiH, broj:08/05 i 81/08 i 22/09);
- da imaju registraciju i sjedišta na prostoru Bosansko-podrinjskog kantona Goražde;
- da obavljaju djelatnost na prostoru Bosansko-podrinjskog kantona Goražde;
- da se ne nalaze u procesu stečaja ili likvidacije;
- da nemaju neizmirenih obaveza za poreze i doprinose,osim obaveza za koje su obuhvaćene ugovorom o reprogramiranju obaveza;
- da su registrovana minimalno 2 godine od dana podnošenja aplikacija za učestvovanje u Programu;
- Da su dostavili Izvještaj o utrošku sredstava iz protekle godine (ukoliko su dobijali sredstva).

##### **Evaluacija za dostavljanje prijedloga projekata:**

Evaluacija aplikacija se provodi na osnovu administrativne provjere projektne dokumentacije iz koje će se evidentirati indikatori: kvalitet urađenog projekta, ciljevi kroz realizaciju projekta (proizvodni ili administrativni), broj uposlenih u javnim preduzećima i specifičnost korištenja usluga ili radova. Komisija će procjenjivati vrijednost gore navedenih indikatora i o tome dati konačnu ocjenu.

#### **V PRAVO UČEŠĆA**

Pravo učesća za korištenje sredstava imaju Javna preduzeća, sa sjedištem na području Općina Foča u FBiH - J.K.P.“UŠĆE“d.o.o. Ustikolina i Općine Pale u FBiH - J.K.P. „PRAČA“ d.o.o. Prača, kao i J.P.RTV BPK Goražde.

#### **VI. OBAVEZNI PRILOZI**

Uz aplikacioni obrazac za projekte, obavezni prilozi su:

- Sudsko rješenje o registraciji sa svim pojedinačnim priložima;
- Uvjerenje o izmirenim obavezama od poreske uprave;
- Uvjerenje o izmirenju obaveza PIO/MIO sa podacima o broju prijavljenih radnika;
- Uvjerenje da odgovorna osoba u posljednjih 5 godina nije osuđivana u sudskom postupku za kršenje zakona u smislu poslovnog ponašanja;
- Uvjerenje da nije pred stečajem ili likvidacijom;
- Izvještaj o finansijskom osiguranju (bilans stanja i bilans uspjeha za prethodnu godinu);

Uvjerjenja nesmiju biti starija od 3 (tri) mjeseca računato od dana podnošenja zahtjeva, a kopije Uvjerjenja i drugih dokumenata moraju biti ovjerene.

## **VII. OBRAZAC APLIKACIONE FORME ZA PROJEKTE**

Obrazac aplikacione forme za projekte je sastavni dio Javnog poziva.

## **VIII. PREUZIMANJE JAVNOG POZIVA**

Javni poziv sa Aplikacionim obrascima za projekte kao i Program Ministarstva za privredu Bosansko-podrinjskog kantona Goraže mogu se preuzeti u prostorijama Ministarstva za privredu Bosansko – podrinjskog kantona Goražde, ulica Maršala Tita 13, kao i Službenoj internet stranici Vlade Bosansko – podrinjskog kantona Goražde [www.bpkgo.ba](http://www.bpkgo.ba).

## **IX. TROŠKOVI PROGRAMA-PROJEKTA**

U postupku Javnog poziva Ministarstvo za privredu Bosansko-podrinjskog kantona Goražde ne snosi nikakve troškove učesnicima natjecanja, te zadržava pravo da projekat-program prihvati u cijelosti, djelomično ili ga potpuno odbije, poništi javni poziv ili odbaci sve projekte-programe u bilo koje vrijeme prije sklapanja Ugovora. Prispjela dokumentacija o programima -projektima se ne vraća.

## **X. OSTALE ODREDBE**

Sa kandidatima čiji se projekt-program prihvati, Ministarstvo za privredu će potpisati Ugovor o implementiranju dodijeljenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za Javni poziv mogu se dobiti svakim radnim danom putem telefona broja 038/228-640 od 08,00 do 16,00 sati.

## **XI. PODNOŠENJE PRIJAVA**

Aplikacioni obrazac sa programom – projektom i traženim priložima dostavlja se u zatvorenoj koverti na protokol Ministarstva za privredu na adresu:

**Ministarstvo za privredu Bosansko-podrinjskog kantona Goražde  
ul. Višegradaska 2a, Goražde 73000, sa naznakom: Za Javni poziv za odabir korisnika sredstava  
po Programu utroška sredstava Ministarstva za privredu Bosansko-podrinjskog kantona  
Goražde za podršku unapređenja usluga javnih preduzeća sa područja Bosansko-podrinjskog  
kantona Goražde za 2019.godinu  
„NE OTVARAJ“**

Rok za dostavljanje ponuda je 15 dana od dana prvog objavljivanja poziva na web stranici kantona i sredstvima javnog informisanja.

Broj: \_\_\_\_\_  
Goražde, 11.10.2019.godine

**MINISTAR**

*Mr.sc. Mensad Arnaut*

